

## GARAPENERAKO LANKIDETZAKO NAFARROAKO TOKI FUNTSAREN DEIALDIRAKO ETA BANAKETARAKO OINARRIAK (2017. urtea)

### XEDEA

Garapenerako Lankidetzako Nafarroako Toki Funtsak, Nafarroako Udal eta kontzejuen Federazioak horretan parte hartu nahi duten toki-erakundeek ekarpenak eta ahaleginak elkartzeko sortuak, xedea du garapen-bidean dauden herrialdeetan egoera ahulean dauden herrien funtsezko eta oinarrizko premiak betetzera bideratutako ekintzak finantzatzea.

### PRINTZIPIO SUSTATZAILEAK

Funtserako ekarpenak printzipio hauen barnean kokatuko dira:

- Garapenerako lankidetzaren azken funtsa da ekonomikoki egoera txarrean dauden herrialdeetako biztanleekiko elkartasuna, eta horiekin gizarte- eta ekonomia-trukaketa gauzatzea.
- Lankidetzak horrek zuzenean edo zeharka lagundu behar du eremu hartzaileen garapen sozial eta ekonomiko endogenoa garatzen, ahal den neurrian tokian tokiko giza baliabideak bultzatuz.
- Funtsak finantzatuko dituen jarduerak herritarren oinarri-oinarrizko premiak asetzerara bideratu behar dira.
- Toki-erakundeek sortutako funtsa izanik, funts horrek bereziki finantzatuko ditu udalek berezkoak dituzten eskumenekin lotutako ekintzak, besteak beste:
  - ✓ Udalek berezkoak dituzten eskumenen barruan azpiegiturak eraikitzea, eta horien artean bereziki edateko ura eta hondakin-uren saneamendua.
  - ✓ Azpiegiturak edo ondasunak eraiki edo hornitu, eta oinarrizko osasunerako edo oinarrizko hezkuntzarako zerbitzuak mantendu.
  - ✓ Herritarren jardun ekonomikoa sustatzera bideratutako ekintzak sustatu, herritar horien premiak betetze aldera.

### HERRIALDE ONURADUNAK

Funtseko laguntza jaso dezaketen herrialdeak dira Ekonomiako Lankidetzarako eta Garapenerako Erakundearen (ELGE) Garapenerako Laguntzako Batzordeak (GLB) indarrean duen onuradunen zerrendan jasota daudenak.

## DEIALDIA

NUKFK laguntzen urteko deialdia eginen du, eta dauden baliabideekin hornituko da aipatu deialdia.

Halaber, hiru urteko deialdiak egin ahal izanen dira, eta Nafarroako toki-erakundeekin sinatutako hitzarmenekin martxan jarri.

## ERAKUNDE ESKATZAILEAK

Deialdira bildu ahal izanen dira ondorengo atalean definitutako baldintzak betetzen dituzten garapenerako GKEak.

## GARAPENERAKO GKEEK DEIALDIRA AURKEZTEKO BETE BEHARREKO BALDINTZAK

Funtsaren deialdietara bilduko diren GKEek honako baldintzok bete beharko dituzte:

- a) Izaera pribatuko pertsona juridikoak izatea, legeari jarraikiz eratuak eta dagokion erregistroan inskribatuak.
- b) Irabazi-asmorik ez izatea.
- c) Estatuetan egotea, erakundearen xede gisa, garapenerako lankidetzarekin eta herrien arteko elkartasunarekin ikustekoa duten jarduerak egitea.
- d) Egoitza edo ordezkaritza iraunkorra izatea Nafarroako Foru Erkidegoan. Artikulu honetako a) atalak aipatzen duen erregistroko inskripzioaren bidez egiaztatu beharko da hori.
- e) Erakundearen helburuak bete ahal izateko egitura egokia izatea eta proposaturiko helburuak lortzeko behar diren esperientzia eta gaitasun operatiboa frogatzea.
- f) Proiektuetarako diru-laguntza eskatzen den egunean tokiko zergen betebeharretan eguneratua egotea, baita Gizarte Segurantzarekikoetan ere.

## PROIEKTUEK BETE BEHAR DITUZTEN BALDINTZAK

Funtsaren deialdietara bilduko diren proiektuek honako baldintzok bete beharko dituzte:

- Oinarri hauetan adierazitako printzipioekiko egokiak izatea.
- Proiektuaren zeharkako kostuek ez dute kostu horien % 10 gaitutuko. Zeharkako kostutzat hartuko dira GKEren eta horrek ematen dituen zerbitzuen edo kontrapartearen administrazio-gastuak, proiektuaren formulazioaren, jarraipenaren, ebaluazioaren eta zabalpenaren ondoriozkoak. Gastu horiek proiektuaren aurrekontuaren banakapenean aparteko kontu-sail batean jasoko dira.
- Finantzaletaren % 20, gutxienez, funts propioetatik, beste administrazio publiko batzuetatik nahiz beste entitate batzuetatik aterako da. Funtsak emanen duen diru-laguntzaren zenbatekoa ez da inola ere izango, beste erakunde edo instituzio publiko

nahiz pribatutatik lortutako subentzio edo laguntzekin batera, burutuko den proiektuaren kostua baino handiagoa.

- GKE eskatzaileak proiektua burutuko den eremuan bazkide bat edo kontraparte bat eduki beharko du, eta horrek gauzatuko du materialki proiektua. Bazkide hori, onura jasoko duen herrialdeko legeria betez, pertsona juridikoa izanen da.